



Datë: 02.10.2014

Mbledhja e Përgjithshme e Gjykatës Supreme të Republikës së Kosovës në të cilën ishin të pranishëm edhe gjyqtarët nga EULEX-i, në bazë të nenit 22 të Ligjit për Gjykatat e Rregullta, më 02.10.2014 me shumicë votash miratoi këtë :

### Mendim Juridik

*Ndaj aktgjykimit me të cilin jepet urdhri ndëshkimore, i dëmtuar nuk ka të drejtën e kundërshtimit, për grupin e veprave penale për të cilat në procedurë të rregullt mund të ushtrojë ankesë për shkak të vendimit për sankzionin penal dhe shpenzimeve të procedurës penale.*

### A r s y e t i m


Gjykatës Supreme, i është drejtuar me kërkesë Gjykata Themelore e Prishtinës, për të dhënë mendim juridik lidhur me dispozitën e nenit 496.par.2.të KPPK , përkatësisht lidhur me atë se a do duhej që t'i jepej e drejta në kundërshtim edhe të dëmtuarit, për veprat kundër jetës dhe trupit, kundër trafikut publik dhe kundër integritetit seksual, në situatën kur me aktgjykim është dhënë urdhri ndëshkimore, duke u bazuar në dispozitat e nenit. 381.par.3.të KPPK.

Në procedurën penale ekzistojnë tre lloje procedurash: procedura e rregullt, procedurat alternative dhe procedura e veçantë. Dhënia e urdhrit ndëshkimor bie në procedurën e veçantë dhe sipas nenit 496.par.2.të KPPK, e drejta e shfrytëzimit të mjetit juridik(kundërshtimit) i është lënë ekskluzivisht vetëm të pandehurit dhe mbrojtësit të tij, d.m.th., në situatat të tilla është devijuar nga standardi që vlen në procedurën e rregullt, dhe palëve tjera në këtë procedurë duke përfshirë edhe prokurorin e shtetit si paditës, nuk u është njojur e drejta në kundërshtim ndaj këtij aktgjykimi.

Neni 381 par.3.i KPPK, e rregullon çështjen e ankesës së dëmtuarit kundër aktgjykimit për kategori të caktuara të veprave penale, e cila dispozitë atij i ka njojur të drejtën e ankesës vetëm për vendimin për shkak të sanksionit penal dhe shpenzimeve të procedurës, mirëpo neni 496 par.2.të KPPK, bënë fjalë për kundërshtimin e aktgjykimit që është marrë në procedurë të veçantë, e jo për ankesën në procedurë të rregullt.

Në rrethanat të tilla, të dëmtuarit nuk mund t'i konstituohet një e drejtë, të cilën ligji nuk ia ka njojur.

Dr. sc. Fejzullah Hasani

  
Fejzullah Hasani

Kryetar i Gjykatës Supreme të Republikës së Kosovës